

O'zbekiston davlat jahon tillari universitetida "Yosh kitobxon" tanlovini
tashkil etish va o'tkazish tartibi to'g'risidagi
NIZOM

1. Umumiy qoidalar:

1.1. Ushbu tanlov fakultetlarda kitobxonlikni targ'ib qilish, talabalarning kitob o'qishga bo'lgan qiziqishini oshirish va intellektual salohiyatini rivojlantirish maqsadida tashkil etiladi.

1.2. Tanlovda ishtirokchilar belgilangan asarlar asosida tayyorlangan savollarga javob berishadi.

1.3. Tanlovni o'tkazish joyi, sanasi va vaqti oldindan belgilab e'lon qilinadi.

2. Ishtirokchilar:

2.1. Har bir fakultetlardan kitob o'qishga qiziqadigan talabalar ishtirok etishlari mumkin. Fakultet bosqichini tashkil etishga Yoshlar ittifoqi fakultet yetakchilari mas'ul hisoblanadi.

2.2. Tanlovning universitet bosqichiga har bir fakultetdan bir nafardan talaba ishtirok etishi mumkin

3. Tanlovning tarkibi va o'tkazilish tartibi:

3.1. Tanlov uchun Tashkiliy qo'mita tomonidan 10 ta asar belgilab olinadi. Asarlarni tanlashda tanlovni tashkil etishda tashabbuskor bo'lgan Yoshlar ittifoqi qoshidagi "Book Club" klubi koordinatorining takliflari inobatga olinadi.

Har bir asardan asar hajmiga ko'ra savol tayyorlanadi. Savollar asarning mazmuni, mohiyati, syujeti, qahramonlari va g'oyalari haqida bo'ladi.

3.3. Tanlovning fakultet bosqichida berilgan asarlar bo'yicha tuzilgan 40 ta testni ishlash talab qilinadi va eng yuqori ball yig'gan ishtirokchi g'olib deb topiladi. G'olib ishtirokchi tanlovning universitet bosqichida ishtirok etadi.

3.4. Tanlovning universitet bosqichi 3 ta shart asosida tashkil qilinadi:

1-shart. "Badiiy asarlar bilimdoni" sharti.

Ushbu shartda biror asardagi syujetga oid epizod o'qib eshittiriladi. Ishtirokchidan ushbu asar nomini topishi hamda uning mazmun-mohiyati, g'oyasi va hozirgi kundagi ahamiyati to'g'risida sharhlab berish so'raladi. Sharhlash jarayonida ishtirokchi bilimini ekshirish maqsadida Hakamlar hay'ati tomonidan qo'shimcha savollar berilishi mumkin.

Tayyorgarik ko'rish uchun 1 daqiqa, javob berish uchun 2 daqiqa vaqt belgilanadi. Mazkur shart uchun 10 ballgacha baho beriladi. Asar nomi to'g'ri topilganda 5 ball qo'yiladi (topilmasa 0 ball) hamda ishtirokchi asar nomini topolmasa sharhlashga imkon berilmaydi. Asar nomini to'g'ri topgan ishtirokchiga sharhlagani uchun yana 5

ballgacha baho qo'yilishi mumkin.

2-shart. "Tezkor savol-javob" sharti.

Ushbu shartda Tashkiliy qo'mita tomonidan tavsiya etilgan adabiyotlardan tuzilgan 10 ta savolga 10 ta javob berish so'raladi. Ishtirokchi bilimini tekshirish maqsadida Hakamlar hay'ati tomonidan qo'shimcha savollar berilishi mumkin.

Ishtirokchilar savollarni bilet tortish orqali tanlaydi, tayyorgarlik ko'rish uchun vaqt ajratilmaydi, savol o'qilishi bilan 10 soniya ichida javob berish lozim. Har bir to'g'ri javob uchun 1 ball beriladi, mazkur shart uchun 10 ballagacha baho beriladi.

3-shart. "Buyuk mutafakkir va adib" sharti.

Ushbu shartda ishtirokchilar ulug' allomalar, o'zbek va jahon adabiyoti namoyondalari nomini bilet tortish orqali tanlaydi, tayyorgarlik ko'rish uchun 1 daqiqa, javob berish uchun 2 daqiqa vaqt belgilanadi.

Ishtirokchidan ulug' allomalar, o'zbek va jahon adabiyoti namoyondalari hayoti, faoliyati va ijodi haqida ma'lumot berishlari so'raladi. Ishtirokchining bilimini tekshirish maqsadida Hakamlar hay'ati tomonidan qo'shimcha savollar berilishi mumkin.

Har bir ulug' allomalar, o'zbek va jahon adabiyoti namoyondalari to'g'risida ma'lumot berganligi uchun 10 ballgacha baho beriladi.

4. Baholash tizimi:

- 4.1. Har bir shart uchun 10 ballgacha baho beriladi.
- 4.2. Maksimal umumiy shartlar bo'yicha 30 ball beriladi.
- 4.3. Ballar teng bo'lib qolsa, qo'shimcha savol berilib natijalar aniqlanadi.

5. G'oliblarni aniqlash va taqdirlash:

- 5.1. G'oliblar jami to'plangan ballar asosida aniqlanadi.
- 5.2. Birinchi, ikkinchi va uchinchi o'rinlarni egallagan jamoalarga darajali sertifikatlar va pul mukofotlari topshiriladi.

5.3. 1-o'rin uchun stipendiyaning 3 baravari miqdorida;

2-o'rin uchun stipendiyaning 2 baravari miqdorida;

3-o'rin uchun stipendiyaning 1 baravari miqdorida pul mukofotlari beriladi.

6. Boshqa qoidalar:

- 6.1. Tanlov davomida barcha ishtirokchilar odob-axloq qoidalariga rioya qilish shart. I
- 6.2. Har qanday noaniq holatlar hakamlar hay'ati tomonidan hal qilinadi. Noaniq holatlarni hal qilishda xolislikka ahamiyat beriladi va barcha taraflarning vajlari eshitiladi.
- 6.3. Tanlovning yakuniy qarorlariga nisbatan tanlov o'tib bo'lgan vaqtdan keyin shikoyat qilinmaydi.

